



13. juni 2024

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalackersuisunut apeqquteqaateqarpunga.

**Naalackersuisunut apeqquteqaatit:**

1. **Naartuersittarnermut inatsisit tamarmik angerlaanneqarnissaannut suliaq sumut killippa?**
  - a. **Maannakkut inatsisaasumi maani nunatsinni naartuersinnissamut killissarititaasoq nammineerluta aalajangersinnaaneranut suut periarfissaappat? Tamanna pissuteqarpoq, Danmarkimi naartuersinnissamut killissarititaasoq ilimanarmat 2025-imi sapaatit akunnerinit 12-niit sapaatit akunnerinut 18-inut qaffanneqassasoq.**
  - b. **Maani nunatsinni sunik periarfissaqarpugut nammineerluta aalajangersinnaanitsinnut, periarfissaqarnermut niviarsiaqqat 15-17-inik ukiullit angajoqqaatik akuersitingikkaluarlugit naartuersissinnaanerannut? Tamanna pissuteqarpoq, tamanna Danmarkimi 2025-imi piviusunngussagunarmat.**
2. **Naalackersuisut qanoq isumaqarfigaat naartuersittarnerup killigitinneqarnera sapaatit akunnerinit 12-niit sapaatit akunnerinut 18-inut qaffanneqarsinnaaneranut?**
3. **Naalackersuisut qanoq isumaqarpat, periarfissaassappat niviarsiaqqat 15-17-inik ukiullit angajoqqaatik akuersiteqqaanngikkaluarlugit naartuersissinnaalissappata?**
4. **Naalackersuisut siunnersuuteqarnialersaarpat UKA 2024-imut maani nunatsinni naartuersittarnerup killigitinneqarnerata qaffanneqarnissaanik?**
5. **Naalackersuisut siunnersuuteqarnialersaarpat UKA 2024-imut niviarsiaqqat 15-17-inik ukiullit angajoqqaatik akuersiteqqaanngikkaluarlutik naartuersissinnaalernissaanik?**
6. **Naalackersuisut suliamut soqutiginaatilinnik allanik paasissutissiisinnaappat?**

(Inatsisartunut ilaasortaq Anna Wangenheim, Demokraatit)

**Tunngavilersuut**

Kiffaanngissuseqarluni naartuersissinnaaneq arnat pisinnaatitaaffiattut Demokraatit sakkortuumik tapersersugaraat. Arnat tamarmik inuttut pisinnaatitaaffigaat 100 procentimik timiminnut aalajangiissallutik.

Danmarkimi 2025-imi naartuersittarnermut inatsit allangortinneqassaaq imaasillugu, naartuersinnissamut killigititaasoq sapaatit akunnerinit 12-niit sapaatit akunnerinut 18-inut sivittorneqarluni. Taassuma saniatigut periarfissaqalissaaq 15-17-inik ukiullit angajoqqaatik akuersiteqqaanngikkaluarlugit naartuersinnissamut.

Soqutiginarpoq paasissallugu, maani nunatsinni kingunissaat aammalu Naalackersuisut taakkununga



**DEMOKRAATIT**  
DEMOKRATERNE

qanoq isummaqarnersut.

Apequteqaatima ullut suliffiusut qulit iluanni akineqarnissaat qilanaaraara.